

Paulo fe agbalẽ evelia si wòṅlò na Korintotowo

¹ Nye, Paulo, ame si Mawu ṅuto tia be manye Yesu Kristo fe dola kple nɔvinye, xosetɔ Timoteo gbɔe agbalẽ sia tso,

Na Mawu fe hame si le Korinto kple ame kòkɔe siwo katã le Akaya:

² Amenuveve kple ṅutifafa si tso Mawu, mía Fofɔ kple Afetɔ Yesu Kristo gbɔ la nana anyi kpli mi.

³ Woakafu Mawu, ame si nye mía fe Afetɔ Yesu Kristo Fofɔ, nublanuikpɔkpɔ Fofɔ kple akɔfafa katã fe Mawu la,

⁴ ame si fa akɔ na mí le mía fe xaxawo katã me, ale be mía wo hã míate ṅu afa akɔ na ame siwo le xaxa me kple akɔfafa si mía wo ṅuto míexɔ tso Mawu gbɔ.

⁵ Abe ale si Kristo fe fukpekpewo gena de mía fe agbe mee ene la, nenema ke to Kristo me mía fe akɔfafa hã gbã goe.

⁶ Ne míexaxa la, miawo fe akɔfafa kple dede tae; ke ne wofa akɔ na mí la, miawo fe akɔfafa tae. Esia dea dzigbɔgbɔ blewuu mia me be miawo hã mietea ṅu kpea fu siwo miekpena.

⁷ Míafe m̀okp̀okp̀o na mi li ke gonḡonḡon, elabena míenya be abe ale si miekp̀o gome le míafe fukpekpewo me ene la, nenema ke miakp̀o gome le míafe akofafa hã me.

⁸ Ǹovi lolõtowo, mebu be ele be magblo fu siwo míekpe le Asia la na mi. Wofo mí, eye wowo fu mí ale gbeḡbe be míawo ḡuto ḡõ hã míebu m̀okp̀okp̀o de sia de be míatsi agbe.

⁹ Míebu be míedze na ku elabena míekp̀o be wona aḡeke megano mía ḡu o, gake míetso nu sia nu gblẽ de Mawu si tea ḡu woa nu sia nu, eye wofoa ame kukuwo ḡõ hã tso yodo me la fe asi me.

¹⁰ Vavã, Mawu de mí tso ku dziḡo aḡe me, ale míetso míafe m̀okp̀okp̀o da de edzi be aḡe mí tso fukpeḡpe de sia de me daa.

¹¹ Eya ta mi katã miwo deka ne miado gbe da de mí ta vevie. Zi ale si miedo gbe da eye miede kuku de mí ta la, zi nenema ke miagada akpe na Afeto la de efe amenuveve si na be míeno dedie la ta.

T̀otro va Paulo fe doḡowo me

¹² Ke míawo hã, aḡeḡbe si míafe dzitsinya nana míefona lae nye be míelã mía doḡuiwo nyuie le xexe sia me, eye le mia dome hã la, míewo mía doḡuiwo dzadzæe, eye míetoa nyatefe le nu sia nu me. Ke menye míawo ḡuto fe ḡusẽ mee míewo esiawo le o, ke boḡ wo katã tso Mawu fe amenuveve me.

¹³ Elabena míenlo nya bubu aḡeke na mi, si miate ḡu axlẽ alo ase egome o. Mele mo kpom be,

14 abe ale si miese míafe nya gome afã kple afãe ene la, miava se egome blibo ale be miate nu afo adegbe le mía nu abe ale si míafoe le mia nu le Afeto Yesu fe ñkeke la dzi ene.

15 Esi meka de miafe nugomesese dzi tae medi be mava mia gbo gbã le nye mɔzɔzɔ me, ale be miagaxo yayra de yayra dzi.

16 Tso mia gbo la, mayi Makedonia eye ne metro tso Makedonia la, magava to mia gbo ale miado mom ne medzo yina Yudea.

Nu si he Paulo fe vava de megbe

17 Dewohi mianɔ biabiam be de metro doɔ si mewo gbã la alo de mele nu wom abe xexea me to siwo menya Kristo o, ne nya la nye “ẽ” la, wogblona be, “ao” ene mahã?

18 Gbede, mele eme nenema o. Abe ale si Mawu nye nyatefeto ene la, nyemenye ame ma fomevi o. Nye “ẽ” nye “ẽ.”

19 Elabena Mawu fe Vi, Yesu Kristo, ame si nu nye Paulo, Silvano kple Timoteo miede gbefã le na mi la, menye ame si ne nya la nye “ẽ” la, wogblo be, “ao” o. Afeto Yesu Kristo wɔna de nu sia nu si wogblo la ko dzi.

20 Afeto Yesu Kristo kpɔna hã be Mawu fe nugbedodo de sia de va eme pεpεε. Ne nugbedodoawo wu akpe nanewo hã la, wovaa eme, eye miegbloa “Amen” to Kristo dzi hena Mawu fe kafukafu.

21 Medi be wɔnɔ susu me na mi be Mawue wo mi kple miawo hã bena miezu kristoto vavãwo eye wotia mi abe efe apostolowo ene be miade gbefã nyanyui la.

²² Eya ame si de dzesi mí abe viawo ene eye wòtso Gbɔgbɔ Kòkɔe la de míafe dziwo me abe kpedodzi be míenye etowo vavã la ene.

²³ Azɔ la, meyo Mawu tso nye dzi me ke abe ɖasefo ene be nu si gblɔm mele na mi la nye nyatefe tututu; susu si ta nyemetro va Korinto haɖe o lae nye be nyemedi be mava ka mo na mi, eye mawɔe be miaxa nu o.

²⁴ Menye ɖe míegale amegã ɖum ɖe mia dzi hele se dem na mi tso nu si ke miaxɔ ase la ηuti o, elabena mienya nu si dze be miaxɔ ase. Ke medi be mawɔ nane si ado dzidzɔ na mi, nye dɔwɔhatiwo ne meva, menye be mana mialé blanui o.

2

¹ Ke azɔ la, nye ηuto meɖoe be nyemagava mia gbɔ kple nu si agahe nuxaxa ve na mi o,

² elabena ne megade nuxaxa miafe dzi me la, miate ηu ado dzidzɔ nam ne mele mia gbɔ o. Evo ame bubu aɖeke hã meli si ado dzidzɔ nam tso wu miawo o.

³ Esia ta menɔ agbalẽ ma na mi, ale be miadɔ nuwo ɖo hafi mava elabena nyemedi be makpɔ naneke le mi, ame siwo ηu meɖoa ηu ɖo be miado dzidzɔ geɖe nam la ηu, si ade nuxaxa nye dzi me o. Menya nyuie be ne meva mia gbɔ le dzidzɔ me la, ekema miawo hã miakpɔ dzidzɔ geɖe.

⁴ Nuxaxa kple vevesese geɖe nɔ nye dzi me, eye aɖatsi ge le mo nam gɔ hã le agbalẽ ma ηɔηɔ me, eye menye ɖe menɔ agbalẽ la be mana miaxa nu

o. Ke bonj menjlɔe be mana miadze si ale si melɔ mi vevie.

Tsɔtsɔke na nu vɔ wɔlawo

⁵ Ne ame aɖe he nuxaxa ve la, menye nyee wòdo nuxaxa na o ke bonj mi katãe, mele egblɔm alea be nyemagate gbe ɖe edzi fũu o.

⁶ Eya ta tohehe si ame akpa gãto da ɖe ame ma dzi la so gbɔ nɛ.

⁷ Azɔ ele be miatsɔ efe nu vɔwo akee, eye miafa akɔ nɛ. Ne menye nenema o la, ase veve eye dzi aɖe le efo ale gbegbe be wòatrɔ ɖa tso nyatefe la gbɔ.

⁸ Meɖe kuku na mi, miɖee fiafe azɔ be miegalɔe pɛpɛpɛ abe tsã ene.

⁹ Menjlo agbalẽ ma na mi be makpɔe ɖa be miele klalo awɔ ɖe nye ɖoɖowo dzi, eye be makpɔe ɖa be toɖoɖo fe gbɔgbɔ le mia me mahã?

¹⁰ Nu si mietsɔ ke ame aɖe la, nye hã metsɔe kee, eye edze be nye hã matsɔe ke le Afeto Yesu Kristo fe nɔsẽ me hena miafe nyonyo ko.

¹¹ Susu bubu si ta wòdze be miatsɔ nu vɔ ake amewo ɖo lae nye be miaxe mɔ na Satana be wòagaɖu mia dzi, ahe tɔto va mia dome o, elabena mí katã míedze si ale si wòdi be yeade zitɔto hamewo domee.

Nubabla Yeye la fe apostolowo

¹² Esi meva Troa be magblo Kristo fe nyanyui la le afi ma la, mekpɔ be Afeto la nɔto vu mɔ nam be ɖo la nayi edzi nyuie,

¹³ gake metsi dzi le ɖokuinye me, elabena nyemekpɔ nɔvinye lolɔto Tito le afi ma o. Esia

ta medo taflatse na Troatowo, eye medzo le afi ma heyi Makedonia.

¹⁴ Ke akpe na Mawu be to nu si Kristo wo me la, míekpo dziđuđu eye míekaka nyanyui la abe ami ɖeɖi si ɖɛna lɛlɛlɛ ene ɖe amewo dome le afi sia afi si míeyi.

¹⁵ Elabena Mawu wo mí míezu ami si ɖɛna lɛlɛlɛ la, eye Kristo fe ɖeɖɛ lɛlɛlɛ si wòtso de mía me la, kaka ɖe ame siwo katã kpo xoxo kple ame siwo mekpoe o la siaa dome.

¹⁶ Nunana nyui si Kristo tso na mí la ɖi ku fe ɖeɖɛ na ame siwo le tsotsrɔm. Ke le ame siwo xo Kristo dzi se ya gbo la, míenye ɖeɖɛ lɛlɛlɛ si naa agbe. Azɔ biabia lae nye be ame ka ɲu ɲutete le be wòawo do siawo?

¹⁷ Míawo la, míele abe ame siwo tso mawunya la do ɲgonu hele amewo blem, le ga xom le wo si la ene o. Esi wònye Mawue do mí ta la, míefoa nu kple Kristo fe ɲusɛ la, eye Mawu fe ɲku le mía ɲu ɖaa.

3

¹ Ke nya siwo menlo na mi la, ɖe wodze abe míele mía ɖokui kafum enea? Alo ɖe wòhiã mi abe ame adewo ene be míatsɔ kafukafugbalɛwo ve na mi alo míaxo kafukafugbalɛ le mia si mahã?

² Miawoe nye míafe agbalɛ si wonlo ɖe miafe dziwo me, si amewo katã nya, eye woxlɛɛ.

³ Amewo akpoe be miezu agbalɛ si tso Kristo gbo to mía dzi. Menye agbalɛ si wonlo kple nunlotsi o, ke boɲ esi wotso Mawu gbagbe la fe

Gbogbo n̄l̄oe d̄e miafe dziwo me, ke menye d̄e nunl̄okpewo dzi o.

⁴ Míele nya siawo gbl̄om kple kakad̄edzi, elabena míed̄o n̄u d̄e Mawu d̄eka h̄õ la ko n̄u to Kristo dzi.

⁵ Míawo la, n̄us̄e ad̄eke mele mía si si míate n̄u atso awo nu siawo katã o, ke míafe n̄us̄e tso Mawu gb̄o.

⁶ Mawue nye ame si na míedze be míanye Nubabla Yeye la fe gbef̄ad̄elawo. Nubabla Yeye sia to vovo s̄ãa tso xoxoa si nye se siwo wonl̄o la gb̄o. Ke yeyeto nye be míasub̄o Mawu le Gbogbo me elabena Gbogbo lae gb̄oa agbe ame, ke seawo d̄ed̄e ko dzi w̄ow̄o kpl̄oa ame yia ku me.

Nubabla Yeye la fe n̄utik̄ok̄oe

⁷ Enye nyatefe be Mose x̄o se siwo wonl̄o d̄e kpe dzi, siwo dzi mawomawo hea ku ve la, le n̄utik̄ok̄oe ḡã ad̄e me. Eye esi w̄otr̄o gb̄o va kple seawo la, kekl̄e ḡã ad̄e fo xl̄ae ale gbegbe be Israelviwo mete n̄u kp̄o efe n̄kume ḡõ o, gake n̄utik̄ok̄oe ma nu va yi xoxo.

⁸ Ke azo la, d̄e míakp̄o m̄o na dzidzo kple n̄utik̄ok̄oe ged̄e wu le esime Mawu fe Gbogbo sub̄osub̄o la le amewo x̄om d̄e agbe le n̄keke siawo me oa?

⁹ Ne n̄utik̄ok̄oe ged̄e fo xl̄ã se siwo hea ku ve la, ekema n̄utik̄ok̄oe ged̄e f̄ũu n̄ut̄oe afo xl̄ã nubabla yeye si Mawu w̄o, si kpl̄oa ame yia agbe mavo la me.

¹⁰ Le nyatefe me la, n̄utik̄ok̄oe ma si kl̄e tso Mose fe n̄kume la menye naneke ne woats̄o aso kple esi fo xl̄ã Mawu fe nubabla yeye la o.

11 Eya ta ne nu xoxo si nu va yi la kpo ñutikokoe nenema la, ekema Mawu fe nubabla yeye si hea agbe mavo ve la fe ñutikokoe la mele gbogblo me o, elabena eya ano anyi daa.

12 Azo esi mokpokpo sia le mia si ñuti la, dzika metsoa mia fo o, eye miegbloa nya la kple dzidefo.

13 Miawo ya la, miewona abe ale si Mose wo esi wotso nu tso mo be Israelviwo nagakpo nu si nu tsina fe nuwuwu o la ene.

14 Va se de egbenkekea dzi la, menye Mose fe mo ko wotsy nue o, ke boñ Israelviwo ha fe susuwo kple nugomesese dzie, elabena wogaɔa dzi de Nubabla Xoxoa ñu, eye woxlɛɛ daa abe nu si ko me wofe mokpokpo le ene, evɔ wɔnye to Kristo dzixɔse me ko hafi woate ñu adzo le vivitia me, eye agbe fe kekeli la nadze na wo.

15 Eye va se de fifia ne woxlɛ Mose fe Seawo la, nutsyɔnu gatsyɔa wofe mo kokoko.

16 Ke gbe si gbe wo dometo aɔe trɔ eye wɔɔ Afeto la la, ekema nu si tso mo ne si na be wɔle viviti me la, dena da.

17 Afeto la ñutɔe nye Gbogbo si naa agbe wo eye afi si Afeto la fe Gbogbo le ko la, afi mae abloɔe le.

18 Ke mi ame siwo kata xɔ Yesu Kristo abe Afeto ene hedɔa dzi de enu la, nutsyɔnu aɔeke mele miafe mowo o, eya ta miele abe ahuhɔe si dea Afeto la fe keklɛ kple ñutikokoe fiana la ene. Eye zi ale si Afeto la si nye Gbogbo la le do wom le mia me la, etɔa mi be miadi Kristo le efe ñutikokoe me.

4

Kesinonuwo le anyigoewo me

¹ Mawu ɲuto fe nublanuikpɔkpɔ mee wòtso be wòtso subɔsubɔɔ sia de asi na mí be ɔɔɔ meeta mía ɲu le ewɔwo me o.

² Ke míegbea nu le vivitimenuwɔnawo kple ɲukpenanuwo wo gbo. Míeblua afo na Mawu fe nya la o, ke boɲ míegbloa nyatefenya vavãto la na ame sia ame. Míegbe nu le alakpadada gbo helé nyatefe la ko me ɔɔ asi be amewo nanya le wofe dzi me be míenye ame dzɔdzɔewo le Mawu fe ɲkume.

³ Eya ta ne Kristo fe nyanyui si míele gbefã ɔɔm la gome sese sesẽ na ame aɔewo la, ekema ame siawo ɔɔ ta tsɔtsrẽ me.

⁴ Satana, ame si le dzi dum le xexe vɔɔɔ sia me fifia lae gbã dzimaxɔsetowo fe ɲkuwo eye wòtso nu wofe susuwo dzi. Ewo esia be womakpɔ kekeli si tso nyanyui la me le keklẽm ɔɔ wo dzi la eye woase nu si gblɔm míele tso Kristo si nye Mawu fe nɔnɔme la fe ɲutikɔkɔe ɲu la gome o.

⁵ Menye mía ɲuto ɔɔkuiwo ɲutie míele gbefã ɔɔm le na mi o, ke boɲ Yesu Kristo ɲutie, eye eyae nye Afeto la. Ke míawo la, míenye subɔlawo le Yesu ɲuti.

⁶ Mawu ame si gblɔ be, “Kekeli neklẽ ɔɔ viviti me la,” kee nye ame si klẽ ɔɔ míawo hã fe dzi me. To esia wo wo me la, ena be míexo kekeli la fe sidzedze, si nye efe ɲutikɔkɔe si klẽna tso Kristo me.

⁷ Ke kesinonu sia le mía si le anyigoewo me, be wòadẹe fia be ñusẽ triako sia metso mía gbo o, ke boṅ Mawu gbo wòtso.

⁸ Womimi mí ọọ le go sia go me gake womegbã mí o, míetoto gake dzi meḍe le míafo o,

⁹ woti mía yome, gake Mawu megble mí ọọ o, wofo mí fu anyi, gake wometsrõ mí o.

¹⁰ Yesu fe ku le míafe ṅutilã me míele yiyimee gbe sia gbe, be woadẹ Yesu fe agbe hã ẹẹ go le míafe ṅutilã me.

¹¹ Elabena wotsò mí ame siwo le agbe la de asi na ku gbe sia gbe le Yesu ta, be woadẹ efe agbe ẹẹ go le míafe ṅutilã si le kuku ge la me.

¹² Eya ta ku le ọọ wòm le mía me, gake agbe le ọọ wòm le miawo me.

¹³ Abe ale si wonlo ẹẹ mawunya me ene be, “Mexo se, eya ta mefo nu ọọ” la, nenema ke miawo hã míexo se, eya ta miadzudo nufoto o.

¹⁴ Míenya be Mawu, ame si fo Afeto Yesu ẹẹ tsitre tso ame kukuwo dome la afo miawo hã kple Kristo ẹẹ tsitre, eye wòatsò mí kple miawo siaa ne.

¹⁵ Míafe fukpekpe siawo katã nye viḍe geḍe na mi, eye zi ale si míeḍe gbefã Mawu fe amenuveve sia na ame geḍewo, eye wokpo gome le eme la, zi nenema ke woatsò kafukafu kple akpedada na Afeto la.

¹⁶ Esia ta ẹẹḍi metea mía ṅu o, eye míana ta o. Togbo be míafe ṅutilãwo le gbodzoḡbodzoḡm hã la, ñusẽ si tso Afeto la gbo, eye wòle mía me la le tsitsim ẹẹ edzi gbe sia gbe.

¹⁷ Xaxa kple fuwɔame siwo katã le mía dzi vam fifia la nu gbɔna yiyi ge kpuiɛ, eye le esia tefe la, Mawu ana efe yayrawo kple ɲutikokɔɛ si fo nuwo katã ta la mí dɔa.

¹⁸ Susu sia ta míetsɔa míafe ɲkuwo dana ɔ nu siwo kpɔm míele fifia la dzi o, ke boɲ míetsɔa míafe ɲkuwo dana ɔ nu siwo míekpɔna o la dzi, elabena nu siwo wokpɔna la nu mesena yina o, ke nu siwo womekpɔna o la nɔa anyi tegbee.

5

Míafe nɔfe le dzifo

¹ Esia ta míenya be ne wokaka míafe xɔ siwo nye míafe ɲutilãwo la, Mawu ana ɲutilã yeye makumaku mí le dzifo. Eye xɔ yeye siwo Mawu ana mí la menye amegbetɔwo fe asinudɔ o, ke Mawu ɲutɔɛ tu wo.

² Míele fu kpem ɲuto le míafe anyigbadziɲutilã siawo me, eya ta wòle mía dzrom vevie, eye míele mɔ kpɔm gbe sia gbe be Afetɔ la atɔ dzifoɲutilã yeyewo ava do na mí abe awu ene.

³ Elabena menye gbɔgbɔ me ko míanɔ o, ke boɲ Mawu ado awu na mí esi nye dzifoɲutilã la.

⁴ Zi ale si míegale anyigbadziɲutilã me ko la, zi nenema ke míekpea fu siwo hea hũdɛdɛ kple vevesese vaa mía dzi. Menye ɔ míebe míadzo kaba le anyigbadziɲutilã sia me o, ke boɲ míafe mɔkpɔkpɔɛ nye be Afetɔ la natsɔ dzifotɔ si nye agbe la atsyɔ na mí, be wòadɔ esi me míele fifia si gblɛna la dzi.

⁵ Mawu ṣutṣe ọ́ọ̀e be totṣo sia nava míafe agbenṣṣo me, eya ta wòtsṣo Gbṣgṣo Kṣkṣe la de mía me abe kpeṣodzinu ene.

⁶ Azṣ la, míele mṣ kṣm kple dzidefo na dzifonutilā yeye sia xṣxṣ. Míenyae be zi ale si míegale anyigbadzinutilā me le afi sia la, míeṣo Afetṣ la gbṣ le dzifo haṣe o.

⁷ Míenya be esiawo katā le eme vavā to xṣse me, ke menye to nukṣṣkṣṣ kple ṣkume o.

⁸ Ke dzidefo blibo le mía si, eye wòdzroa mí gṣ hā be míadzo le anyigbadzinutilā sia me aṣano Afetṣ la gbṣ le efe ṣutikṣkṣe fe mavṣ la me.

⁹ Ke míafe didi vevie nye be ne míele agbe le anyigbadzinutilā sia me alo míele egbṣ le dzifo la, míawṣ efe lṣlṣnu le nu sia nu me.

¹⁰ Elabena mí katā míava tsi tsitre ḡe Kristo ṣkume gbe ḡeka, be wòadrṣ ṣṣnu mí, eye wòadzro míafe agbenṣṣinuwṣnawo me tsitot-sito. Eye wòaxe fe na ame sia ame pṣpṣe ḡe ale si wòṣo agbe le anyigba dzii la nu. Né èwṣ nu nyui la, àxṣ fetu nyui eye ne èwṣ vṣ la, àxṣ fetu vṣ.

Kristo fe ame dṣdṣwo

¹¹ Mawuvṣvṣ si le mía me tae míeḡea gbefā, eye míeḡoa dzimetṣṣo fe nya la ḡe amewo katā nu be woava Afetṣ la gbṣ. Mawu ṣutṣo nya be míele dṣ sia wṣm kple dzimekṣkṣ, eye mexṣe se be miawo hā mienyae le miafe dzi me nenema tututu.

¹² Menye mía ḡokui kafum míele alo menye mía ḡokui dom míele ḡe dzi o, ḡeko míedi be miada ḡe mía dzi abe ame siwo nye Afetṣ la fe

ame dodo vavawo ene. Eye miate nu atso mí afo adegbee alo ado nya nu na nufiala alakpato siwo le mia dome, ame siwo fe susu koe nye be yewofe dzedzeme nanya kpo nyuie le amewo gbo ko, ke wofe dziwo me do viviti tsidjitsidj.

¹³ Ne nya siawo sese di le miafe towo me abe de miafe susuwo da ene la, ekema le Mawu fe n̄tikokoe la tae. Ke ne miedze sii be miafe nyawo medj ame siwo fe tagbo toto to o la, ekema ade vi gede na mi.

¹⁴ Menye mia nutowo fe vidēkpokpo ta miele nu sia nu si wom miele la wom do o; miele ewom, elabena Kristo fe lolõ le mia kplom. Esi miexoe se be Afeto Yesu Kristo ku de mí katã ta la, ele be miawo hã miexoe se be mieku na agbe xoxo siwo mienona tsã la.

¹⁵ Nu vevito si ta Kristo ku de amewo katã ta lae nye be mí ame siwo le agbe fifia eye miekpo gome le Mawu fe amenuveve fe nunana si nye agbe mavo la me la, miaganõ agbe na mia dokuiwo alo awo nu si dze mia nu o. Ele be mianõ agbe na Kristo deka ko, ame si ku, ke Fofõ la foe de tsitre la eye miawo nu si nye efe lolõnu ko.

¹⁶ Eya ta tso fifia dzi heyina la, migadrõ uonu ame adeke le n̄utilã nu be ame sia nye amegã alo bubume alo be novi kristoto ade nye nu võ wola o. N̄ku ma fomevie mietsõ kpo Kristoe tsã be enye võwola, gake fifia la, meganye nenemae miegale ekpom o.

¹⁷ Eya ta ne ame ade xo Kristo la, enye nuwowo yeye; nu xoxowo nu va yi, "kpo da!" nuwo katã zu yeye.

18 Nu siawo katã tso Mawu, ame si wo mí etowoe to Kristo dzi la gbɔ. Mawu ɲuto tso do nyui sia de asi na mí be míakplɔ ame bubuwo hã va ye gbɔe ne yeakpɔ nublanui na wo, eye woawɔ deka kple ye.

19 Gbefã si kɔ dem míele fifia lae nye be Mawu to Kristo dzi le xexea me katã kpem va edokui gbɔe. Magaɔo ŋku amewo fe nu vɔwo dzi azɔ o, ke boŋ atso wo ake wo eye wòatutu wo da keŋ. Nukunya siae wòde asi na mí be míagblɔ na amewo katã.

20 Eya ta míawo la, Kristo fe ame dɔdɔwoe míenye, eye Mawu le nu fom na mi to mía dzi. Míeto Kristo dzi hele kuku dem na mi be ame sia ame nadzudzo nu vɔ wɔwɔ, eye wòaxɔ Mawu fe lolɔ si wòna be ne wòawɔ deka kplii.

21 Elabena Kristo mewɔ nu vɔ aɔke o, gake be míawo míakpɔ agbe ta la, Mawu tso míafe nu vɔwo fe agba dro de eya amea dzi. Eye wòtso efe dzɔdzɔenyenye do etefe na mí katã.

6

1 Esi mí katã míenye Mawu fe hadɔwɔlawo ta la, míele kuku dem na mi be migaxɔ Mawu fe amenuveve la dzodzro o.

2 Elabena Mawu gblɔ be,
 “Meɔo to wò le nye amenuveɣi la,
 eye mekpe de ɲuwò le xɔxɔgbe la.”
 Mele eglɔm na wò be, fifiae nye amenuveɣi, kpɔ da fifiae nye xɔxɔgbe!

Paulo fe fukpekpe

³ Míedi be ame aḍeke nakpɔ vodada le do si wɔm míele na Afetɔ la ɲu o, esia ta míena nuḍiḍia aḍeke le naneke me o.

⁴ Ke boɲ le xaxawo, hiākamewo kple yometiti geḍewo me hã la, míedoa dzi eye míeḍea mía ḍokui fiana abe Mawu fe subɔla vavãwo ene.

⁵ Wofo mí, eye wode mí gaxɔ me. Ame siwo lo veve helihelĩ ḍe dzi me la tso ḍe mía ɲu kpɔ. Míewɔ do sesie, eye ḍeḍi te mía ɲu kpɔ; míetsia zãdomadolõe, eye do wua mí.

⁶ Le nu sia nu me la, míenɔa anyi le dzadzɛnyenye me. Míegbɔa dzi ḍi, eye míenyoa do me na ame sia ame. Ale si míedze si Afetɔ la ɲu míezɔna ḍo. Mawu fe Gbɔgbɔ Kɔkɔe la yo mí fũu eye míezɔna le eme kple lolõ si me alakpa mele o.

⁷ Míezɔna le Mawu fe nyatefe kple efe ɲusẽ me, eye ame dzɔdzɔewo fe avawɔnu siwo le nuḍusime kple miame la le mía si.

⁸ Nenye be amewo de bubu mía ɲu alo do ɲukpe mí, nenye be wodzu mí alo kafu mí, eye wose nyatefe si gblɔm míele, gake wogbe be yewomaxɔe o, eye wobu mí abe alakpatɔwo ene hã la, Afetɔ la ko míanɔ agbe na.

⁹ Xexea me tɔwo mehua mí ḍe naneke me o, gake Mawu ya nya mí nyuie. Míele kudo nu ye sia xi, gake kpɔ ḍa, míele agbe wu nu sia nu. Wode abi mía ɲu, gake míeku o.

¹⁰ Míafe dziwo sea veve ɲuto, eye míelɛa blanui, gake Afetɔ la tsoa efe dzidzo dea mía me. Míele abe ame siwo nye ame dahewo ene, gake míena ame geḍewo zu kesinɔtɔwo. Míedzena

abe ame siwo si naneke mele o la ene, gake nu sia nu le mía si.

¹¹ Nɔvi Korinto hametɔ lɔlɔawo, mevu nye dzi me faa gbɔ nu siwo le eme la na mi. Míelɔa mi ɲutɔ, eya ta

¹² míeyla naneke ɔe mi o, ke boɲ míelɔ mi tso dzi blibo me, gake ewɔ nuku ɲutɔ be mievu miafe dziwo me ɔe mía ɲu abe ale si míawo míewɔe na mi ene o.

¹³ Azɔ la, medi be mafo nu na mi abe vinye ɲutɔɲutowo ene. Mina be miafe ɔɔ me nakɔ ɔe mía ɲu, eye mialɔ mí tso dzi blibo me abe ale si míelɔ mie ene.

Migade ha kple dzimaxɔsetowo o

¹⁴ Migawɔ ɔeka kple ame siwo melɔa Afetɔ la o. Fomedodo kae le xɔsetowo kple dzimaxɔsetowo dome? Eye aleke kekeli kple viviti ate ɲu anɔ tefe ɔekae le ɣeyiɣi ɔeka me?

¹⁵ Aleke Kristo si nye dzɔdzɔetowo fe fia kple Abosam si nye nu vɔ wolawo fe fia la ate ɲu awɔ ɔekae? Eye aleke kristotɔ hã ate ɲu awɔ ɔeka kple dzimaxɔseto?

¹⁶ Nenema ke mele be ɔekawɔwɔ aɔeke nanɔ gbedoxɔ kple trɔxɔ dome o. Míawoe nye Mawu gbagbe la fe gbedoxɔ, afi si wònɔna. Mawu ɲutɔ gbɔ be,

“Manɔ ame siwo nye tɔnyewo la dome,

mazɔ le wo dome.

Manye wofe Mawu,

eye woawo hã woanye nye dukɔ.”

¹⁷ Esia ta,

Yehowa gbɔ be,

“Mido go le wo dome,

eye miade vovo tso wo gbo le nu sia nu me.
 Migade asi wofe nu siwo n̄uti meko o la n̄uti o,
 ekema maxo mi abe tonyewo ene.”

18 Ke,

“Manye mia Fofu,
 eye miawo hã mianye,
 vinyenutsuwo kple vinyenyonuwo.”

7

Paulo fe dzidzo

¹ Ke azo novinye lolotowo, esi Mawu do nugbe
 gã siawo na mí ta la, mina miadzudzo nu gbeblẽ
 wowo, eye miate da xaa tso nu siwo foa di
 miafe n̄utilã kple gbogbo la gbo, eye miano agbe
 kokowo to Afeto la vovõ me, alé efe nyawo me
 de asi sesẽ.

² Le miafe dowowo me kpli mi la, miekplɔ ame
 adeke to motatra adeke dzi o, mieba ame adeke
 alo gblẽ ame adeke fe naneke o, eya ta miwu
 miafe dziwo fe vɔtruwo ne miaxo mí de wo me.

³ Nyemele esiawo gblom be matsɔ fobubu
 adeke ada de mia dzi o, elabena megblo va yi
 xoxo be mena tefe mi le nye dzi me tegbee be
 manɔ agbe kpli mi, eye maku hã kpli mi.

⁴ Medoa dzi de mia nu n̄uto, eye medana
 de mia dzi hã n̄uto, eye togbo be nuxaxa kple
 vevesese geɖe le dzinye hã la, ne medo n̄ku mia
 dzi ko la, dzidefo doa asinye eye dzidzo yoa
 menye tantan̄an̄.

Nuxaxa si hea dzimetɔtro ve

⁵ Miekpo n̄utifafa adeke esi mieva do Make-
 donia o, fukpekpewo son̄ koe fo xlã mí. Amewo

do dzre na mí to mo ɔe sia ɔe dzi, eye vovõ kple ɔdɔdzi yo mía me fũu ɔtu.

⁶ Ke Mawu, ame si ɔtu dea dzi fo na ame siwo fo dzi ɔe le la de dzi fo na míawo hã esi Tito va ɔtu mía gbo.

⁷ Menye esi wòva ɔtu mía gbo dedie la ɔe koe na be míekpo dzidzo o, ke boɔ nya siwo keɔ wògagblo nam tso mia ɔtu tae; ale si miexoe nyuie, ale si wònye miafe didi be yewoakpom, eye ale si wòve mi ɔtu be mele fu geɔe kpem kple ale si miele klalo be yewoalé nu siwo mefia mi la ko me ɔe asi la na megli kple dzidzo.

⁸ Fifi la, megavem be meɔlo agbalẽ sesẽ ma ɔtu ɔe mi o, togbo be mexa nu geɔe le eɔu le goɔmedzedzea me hã la, menya be miawo hã miexa nu xeyixi kpui aɔe ko.

⁹ Azo la, mekpɔ dzidzo manyagblo aɔe be meɔlo agbalẽ ma ɔe mi. Nyemele dzidzo kpom be miexa nu o, ke boɔ be agbalẽ la na miedzudzo agbe vlowo nono, eye mieva Afeto la gbo. Mawu ɔtu to dzinye ɔlo agbalẽ ma na mi be miadzudzo nu võ wowo, eya ta menye míawoe na miexa nu o.

¹⁰ Elabena xe aɔewo xi la, Mawu nana míexaa nu be míadze si miafe nu vowo eye miadzudzo nu vɔɔi wowo, eye míadi agbe mavo la. Ke ne ame aɔe xa nu vevie le eya ɔtu fe agbe vlo nono ta, gake metro dzi me o la, ahe ku ve.

¹¹ Miawo ɔtu mikpo ɔa, nenem nuxaxa sia si miexa ɔe Mawu fe didi nu la he vevidodo geɔe ve na mi. Ena mieku kutri, eye mietsi dzimaɔi be yewoatsri nu võ si ɔtu mefo nu le na mi la wowo. Vovõ ɔtu mi le nuwona ma ta eye miedi go hã

be mava kpe ɔe yewo ɲuti le nya sia me. Mieke to na ame siwo wɔ nu gbegblẽ sia hã vevie, eye miede mia ɔkui fia be miede nu si wowɔ la dzi o.

¹² Eya ta ɔe menɔ agbalẽ la koɲ be Mawu naɔe ale si melɔa mi la afia, ke menye ɔe ame si wɔ vɔ sia alo ame si ɲuti wowɔ vɔ sia ɔo la ta o, ke boɲ be miafe veviedodo nu ɔe mia ta nadze fãa le mia dome le Mawu fe ɲkume.

¹³ Hekpe ɔe dzidefo si miena mí to lolɔ si miede fia mí la ɲu la, miégakpɔ dzidzɔ geɔe hã le ale si miexɔ Tito kple nu nyui siwo katã miewɔ nɛ be efe dzi dze eme la ta.

¹⁴ Hafi Tito nadzo le gbɔnye la, metsɔ mi fo adegbe nɛ, eye meɔi ɔase nyui le mia ɲuti nɛ, eye vavã miewɔ nu siwo megblo nɛ tso mia ɲuti la hã nɛ. Abe ale si metoa nyatefe na mi le nu sia nu me ene la, nenema ke megblo nyatefe tso mia ɲuti na Tito hã.

¹⁵ Azɔ ne Tito hã ɔo ɲku ale si miedɔ toe le nu si wɔfia mi me, ale si miede lolɔ fiae kple ale si miexɔe kple dzi blibo dzi la, enana be eya hã fe lolɔ na mi gadzina ɔe edzi.

¹⁶ Ke esi menya be ɔekawɔwɔ kple lolɔ gaɔo mia dome azɔ la, ena be nye hã mekpɔ dzidzɔ blibo, eye megaɔo ɲu ɔe mia ɲu le nu sia nu me.

8

Makedoniatɔwo fe ɔmenyowɔwɔ

¹ Azɔ la, nɔviwo, medi be magblo nu siwo wɔm Mawu le, le Makedonia hamewo me to efe amenuveve me la na mi.

² Togbo be wole fu geḡe kpem, eye wonye ame dahewo hã la, woko do me faa, eye wodzoa nu kple dzidzo.

³ Mele ḡase ḡim le hame siawo ḡuti be wodzea agbagba dzoa nu ḡuto, eye wowone wòwua ale si woate ḡui ḡõ hã kple dzi faa, ke menye ḡe metee ḡe wo dzi be woawoe o.

⁴ Woḡe kuku na mí be míaxo yewo hã fe nunana ale be yewo hã yewoakpo dzidzo be yewona kpekpedeḡu Mawu fe ame siwo le Yerusalem.

⁵ Esi fo wo katã ta, eye wòwo nuku na mí lae nye be wotsò wo ḡokuiwo na Afeto la kple míawo hã to Mawu fe amenuveve me, eye wolõ be yewoado to nya sia nya si míegblo na yewo la.

⁶ Esia ta míebia tso Tito, ame si de dzi fo na mi le yayra si le nunanado si gome miedze me la si be wòayi edzi ade dzi fo na mi be miawu amenuvedo sia nu le mia dome.

⁷ Ale si miede ḡgo le xose, nufiafia, nunya, veviedodo nu kple lolõ si mietsò na mí me la, nenema ke medi be mianye ame gbãtowo le lolõnunanado sia hã me.

⁸ Menye ḡe mele se dem na mi alo le mia dzi zim be miawo nunana kokoko o, ke boḡ ale si wònye hame bubuwo fe didi vevie be yewoawo nunana alea tae medi be miawo hã miade miafe lolõ afia abe hame bubuwo ene.

⁹ Miawo ḡuto mienya Afeto Yesu Kristo fe amenuveve be kesinoto wònye hafi, ke mia ḡuti wòva de ahe ḡo be miawo la, miato efe ahedada la me azu kesinotowo.

¹⁰ Medi be maḡo aḡaṅu na mi be miado vevi nu le nunana sia me, awu nu si gome miedze le fe si va yi me la nu, elabena miawoe nye ame gbãto siwo do susu sia ḡa, eye miedee fia be miele klalo ḡe ewowo ṅuti hã.

¹¹ Azɔ esi miedze vua fofo gome dzidzotɔe alea la, miafoe nenema va se ḡe nuwuwu. Mina nu si miate ṅui la tso nu si le mia si la me.

¹² Ne enye miafe didi be yewoana nu mí la, migatsi dzi le ga home si le mia si la ṅu o. Mawu fe didie nye be nàna nu si nàte ṅui, ke menye wu esi le asiwò o.

¹³ Menye míafe didie wònye be miamia ṅku, ana ga fũu be ame siwo miele nua dzom na la nazu kesinotowo atso miafe ga anɔ agbe vivi ḡum o,

¹⁴ ke boṅ ḡe míedi be miama nu siwo le mia si la kple wo. Fia la, nu geḡe le mia si, eya ta mikpe ḡe wo ṅu, ale be ne emegbe nu megava le mia si o, ke wòle woawo si la, woawo hã nakpe ḡe mia ṅu. To esia me la, ame sia ame akpo eto sinua.

¹⁵ Abe ale si wòle Nɔṅlo Kɔkɔe la mee ene be, “Ame si foa fu nuwo fũu hã mekpɔa ḡeke ḡe edzi o, ke ame si fo fu sue aḡe hã la, naneke mehiãne o.”

Wodo Tito ḡe Korinto

¹⁶ Míeda akpe na Mawu, ame si tso nenem veviedodo nu le mia ṅuti sia de Tito fe dzi me be wòakpe ḡe mia ṅu, axlɔ nu mi abe nye ke ene.

17 Tito kpo dzidzo nuto esi miegblo ne be wogava kpo mi da. Eya nuto ha di vevie be yeava hafi miegbloe go ha.

18 Mele novi nyanye bubu afe ha dom da kpe de Tito nuti le mowow sia me. Hame gedewo di dase le ale si novi sia ha kpo gome le Mawu fe amenuveve la me be wogblo Afeto la fe nyanyui la kple dzidefo la nuti.

19 Le nyatefe me la, hameawo tia novi sia ha be eya ha nana mi ame siwo le miafe nunanawo tso ge ayi Yerusalem la dome. Miele do sia wom be miatsa ade bubu Afeto la nuti eye miafe ale si wonye miafe didi vevie be miakpe de mia nowo nuti la ha afia.

20 Miewo esia elabena miedi be ame afeke nagaka mo na mi le nudzodzogã sia, si miena wodzo la nuti o.

21 Mawu nuto nya be nutefewolawo mienye, gake miedi be amewo ha nanya esia.

22 Miegale novi bubu ha dom de mi kpe de wo nuti, ame sia ha nye hadowola vevi deka. Eya ha di vevie be yeakpe de mia nu, esi megblo miafe vevidodo nu ne.

23 Dewohi ne ame afe bia mi be ame kae nye Tito ha la, migblo be enye nye dowohati, eye wonye tenyefenola le mia gbo. Eye ne wobia nu tso novi eve bubuawo ha nu la, migblo ko be ame dadowo wonye tso hame bubuawo me, eye wonye subola vavawo kple bubu na Kristo.

24 Mede kuku mitsa lolõ si le mia me de nunye la na ame siawo ha, ale be woakpoe be ale si mefoa adegbe tso mia nuti la le eme vava, eye midee fia le hameawo fe nkume.

9

Kpekpedejunana haxɔsetowo

¹ Mikpɔe be megahiã kokoko bena maganlɔ agbalẽ na mi le ale si wòhiã be miana nu Mawu fe ame siwo le Yerusalem o,

² elabena menya ale si wònye miafe didi vevie be yewoawɔ lolɔnununana sia, eye metsɔ esia fo adegbe na Makedonia hamewo be mi Akayatowo miele klalo kple miafe nunanawo abe fe dekae nye esia ene. Le nyatefe me la, esia de dzo tɔxɛ aɖe woawo hã me be wodze fufofo nunanawo gɔme.

³ Ke mele nɔvi siawo dɔm kple miafe nunanawo elabena míetsɔ mi fo adegbe na amewo ɲuto eye nyemedi be míafe adegbe sia natɔ zu alakpa o.

⁴ Eye anye ɲukpe nam ɲuto, eye wòanye ɲukpe na miawo hã ne nɔvi siwo tso Makedonia va kplim ko wòava dzɔ be miele klalo abe ale si megblo na wo ene o.

Nunana tso dzi vavã me

⁵ Esia ta mele nɔvi siawo dɔm dɔ de mia gbɔ be woakpɔ egbɔ be nu siwo ɲugbe miedo la nasɔ gbe hafi nye ɲuto mava. Ale be wòanye nu si miena faa tso dzi me, eye menye tso dzizizi me o.

⁶ Ke medi be esia nanɔ nyanya me na mi be, ame si ana nu sue aɖe la, nu si wòakpɔ de etefe anɔ sue. Agbledela si fã nuku sue aɖe ko la, xaa nuku sue aɖe ko le nuxaxi, gake nenyɛ be wòfã nuku sɔgbɔ la, axa nuku fũu le nuxaxi.

⁷ Ale si sinu ame aḍe di be yeana ko la nena; migazi ame aḍeke dzi be nena wu ale si wòate ṣui o, elabena Mawu lãa ame siwo naa nu kple dzi faa la.

⁸ Sedofe aḍeke meli na Mawu fe nunana si wònaa mi gbe sia gbe o. Eya ṣuto naa nu siwo hiãa mi la mi, eye wònanɛ le agbɔsɔsɔ blibo me be ne miewo wo ṣuti do buu hã la, agatsi anyi zã be miana ame bubuwo atso afia do nyui wowo.

⁹ Ele Nɔŋlɔ Kɔkɔe la me be:

“Ema efe nuwo na ame dahewo yi didifewo ke, eye ta efe dzodzɔenyenye ano anyi tegbetegbe.”

¹⁰ Ke Mawu, ame si naa nuku agbledela wòfãna, eye emegbe la, wòyrana de edzi be wòakpo nuḍuḍu gbe sia gbe la ana nuku gedewo mi be miafã, eye wòana woatsi auã nyuie ale gbegebe, be miakpo nuku geḍe le nuxaxi, be miatsɔ dewo ana ame bubuwo hã.

¹¹ Mawu ṣuto ana be miazu kesinotowo ale be miate ṣu ana nu ame dahewo ye sia xi, ale be ne mietsɔ wo yii na wo la, woada akpe geḍe na Mawu le ale si miekpe de wo ṣu ta.

¹² Ale miakpɔe be lolɔnunanana si nam miele la na ame kɔkɔe siwo le nu hiãm la kpo nu siwo le wo hiãm, eye woatsɔ akpedada blibo na Mawu.

¹³ Nɔvi siwo katã ṣu miele kpekpeṃ do la makpo dzidzo le miafe nunana nyuiwo deḍe ko ṣuti o, ke boṣ woakafu Mawu hã le miafe toḍoḍo Kristo fe nyanyui la ta. Eye miafe nunana hã nye kpedodzi be Kristo le mia me vavã.

¹⁴ Nɔvi siawo ado gbe da de mia ta vevie, ada akpe gã aḍe na Mawu le amenuvedo gã siwo

wòwò na wo to mia dzi la ta.

¹⁵ Akpedada woatsò ana Mawu le efe nunana manyagblo la ta.

10

Paulo vli efe apostolonyenye ta

¹ Azò la, nye Paulo ñuto mele nu xlòm mi kple dzigbòdji kple tufafa abe ale si Kristo ñuto awò ene. Ke mia dometo adewo le gbogblòm be, ne mele adzoge la, nye nya dzi “sesèna”, gake ne meva yewo gbò ko la, menɔa anyi abe “vòvòntò” ene.

² Mele kuku ñem na mi be migana makplò mi kple asi sesè ne meva mia gbò o. Menya be ñusè le asinye mazã ñe ame siwo buna le mia dome be amegbetò fe nunya kple ñusè ko metsò le do wòmii la dzi, gake nyemedi be mawò alea o.

³ Enye nyatefe be míele ñutilã me zòm gake, míewò aya le ñutilã nu o.

⁴ Menye amegbetowo fe avawonuwo míezãna o, ke bonj Mawu fe ñusè si tri ako wu nu sia nu lae míetsona ñua Abosam fe ñusèwo katã dzi.

⁵ Míetsò Mawu fe ñusè sia ñua nya vlo siwo katã amegbetowo gblona ñe Mawu ñuti la dzi, eye eyae míetsona gbãa nugomemasemase fe gli si wòtu fo xlã amewo be woagadze si Mawu o. Eye to ñusè sia me la, míelèa ame si dze aglã ñe Mawu ñuti la kluvii be wòatrò gbò va Mawu gbò, eye míetròa efe susuwo be wòado to Kristo.

⁶ Eye míele dzadzrado me be ne miafe todo do made blibo o la, ekema míahe to na ame siwo me aglãdzegbogbo gale la.

⁷ Nu si le fu ɔem na mi lae nye be mietsɔ amenkumekpɔkpɔ ɔo ɔe, eye miele nye hã kpɔm be nɔsẽ aɔeke mele nɔnye o. Ke medi be miase egɔme be ne ame aɔe ate nɔ agblɔ be Kristo fe nɔsẽ le ye si tututu la, míawo hã míate nɔ agblɔ esia.

⁸ Ɖewohĩ la, awɔ na mi abe ɔe mele adegbe fom akpa le Afetɔ la fe nɔsẽ si wɔnam la ta ene, gake nye la, menye nɔkpe nam o, elabena ɔe wɔna nɔsẽ siam be matsɔ tu mi ɔe edzi, menye be matsɔ agblẽ nu le mia nɔ o.

⁹ Nyemedi be miabu be ɔeko mele vɔvɔ dom na mi kple nye agbalẽwo o.

¹⁰ Mia dometɔ aɔewo gblɔ be, “Ne ele adzɔge la, eyae wɔnɔla agbalẽ nɔa nɔdzi kple vɔvɔ dom na ame, gake ne eya nɔto va la, megatea nɔ gblɔa nya mawo dometɔ aɔeke o, ke boɔ efoa nu abe ɔevi ene.”

¹¹ Ke medi be ame siwo le nya mawo gblɔm la, nadzra ɔo ɔi, elabena ne míeva la, nɔsẽ si míetsɔ nɔ agbalẽawo la, míele eɔe ge afia wo.

¹² Míedi be míawɔ abe ale si mia dometɔ aɔewo wɔna nɔa wo ɔokuiwo kafum eye wɔnɔa nya vlim le wo ɔokuiwo dome be ame kae nye gãto hã o. Nu siawo katã nye movidzɔdzɔ be miadi be yewoakpɔ be, ame kae nye gãto wu le yewo dome hã?

¹³ Ke míawo la, míafɔ adegbe le nu si le mía si la ko nɔ; míafɔ adegbe le ɔo si Mawu de mía si be míawɔ, eye esi míewɔ le mia dome la koe nye míafe taɔdzinu.

¹⁴ Míedze agɔ ne míegblɔ be nɔsẽ le mía si ɔe mia dzi o, elabena míawoe nye ame gbãto siwo

tsɔ Kristo fe nyanyui la ve na mi.

¹⁵ Eye menye ɔ́e míele didim be míafɔ adegbe le ame bubu fe ɔ́ si wòwɔ le mia dome la ta o, ke míafe didi vevie nye be míafe xɔse natsi ɔ́e edzi be míate ɲu awɔ ɔ́ gãwo le mia dome le ɔ́ɔɔ si wona mí la nu.

¹⁶ Le esia megbe la, miate ɲu akpɔ mɔ atɔ Kristo fe nyanyui la ayii na dukɔ siwo le adzɔge le mia gbɔ afi si ame aɔ́ke mede haɔ́e o, be woawo hã nadze si Kristo. Ale be ame aɔ́ke magagblɔ be yee nye ame gbãtɔ si tsɔ nyanyui la yi du ma me hafi míeva o.

¹⁷ Mawunya gblɔe be, “Ame sia ame si di be yeafo adegbe la nafoe le nu si Afetɔ la wɔ la ko ɲu.”

¹⁸ Elabena ame si foa adegbe le eya ɲutɔ fe ɔ́wo ɲuti la medzea Afetɔ la ɲu o, ke ame si fe ɔ́wɔwɔ ɲu Afetɔ la kpɔ ɲudzede nyui le lae nye ɔ́wɔla nyuitɔ.

11

Paulo kple avatsopostolowo

¹ Mexɔ se be miagbɔ dzi ɔ́ ase nye movinya siwo gblɔm mele na mi. Miɔ́ to ne magblɔ nye dzimenyawo na mi.

² Metsɔ Mawu fe ɲuvavã le ɲu vãm le mia ɲu; elabena medo mia ɲugbe na ɲutsu ɔ́ka, si nye Kristo be mianye eya ɔ́ka ko tɔ, abe ale si ɔ́tugbi dzadze tsɔa efe lolɔ́ naa ɲutsu si fe ɲugbe wodo ne la ene.

³ Gake mele vovɔ́m ɔ́e mia nu be ɔ́ewohĩ la, ame aɔ́e ava ble mi, eye wòatrɔ míafe susu ɔ́a

tso dzimekoko si mietsoko na Kristo gbo, abe ale si da dzeaye ma ble Eva ene.

⁴ Nu si ta mele esiawo gblom lae nye be edze nam be mia beble le boboe, eye ne ame ađe va mia gbo va de gbefã Yesu bubu si to vovo tso esi n̄uti miefia nu mi le la gbo alo wofia nu bubu sãa mi alo fo nu tso gbogbo bubu ađe si meso kple Gbogbo Koko si miexo o n̄uti la, miexoa ame ma dzi sena boboe.

⁵ Ke nye Paulo mexoe se be ame siwo noa wo dokuiwo yom be Mawu fe ame dodowo yewonye la menyo wum le mo ađeke nu o.

⁶ Ne nyemeɖea ami de nye nufu abe ale si woawo wone ene o hã la, menya nu si tututu gblom mele elabena Afeto la fe nusẽ me mefoa nu le abe ale si miawo n̄uto mienya ene.

⁷ Azo esi meva mia gbo, eye mede gbefã Mawu fe nyanyui la na mi le dokuibobodeanyi blibo me, eye nyemexo naneke le mia si o la, eyae nye nu vɔ si mewo de mia nu eya ta miebum de naneke me oa?

⁸ Le xeyixi si me menɔ gbefã dem le mia gbo la, hame bubuwoe no dzinye kpom. Ale be wova zu be mexo nu siwo hame bubuwo nam la hetsoko wo de le mia gbo.

⁹ Esi menɔ mia gbo, eye nanewo va hiã la, nyemebia mi o, ke boɲ kristoto siwo tso Makedonia va gbonye lae tso nu siawo nu ve nam. Medoe be nyemanye agba na mi o, eya tae nyemebia pesewa deka hã va se de fifia o, eye nyemebia mi hã gbedegebede o.

¹⁰ Abe ale si Kristo fe nyatefe la le menye ene la, ame ađeke mate nu atro nye susu sia o, eye

mana novi siwo katã le Akaya nutowo me la hã nanya nu le esia ñuti.

¹¹ Ame ađe agblɔ be ɔe nyemelɔ mi Kristotowo o, eya ta megblo esia ɔo, gake mele eme nenema o, elabena Mawu ñuto gɔ hã nya be melɔ mi vevie.

¹² Ke mawo nu si meɔo la dzi be matsɔ ɔe ke le miafe apostolo siwo le adegbe fom be yewo hã Mawu fe ɔo ko wɔm yewole abe míawo ke ene la te.

¹³ Nenɔ nyanya me na mi be menye Mawue ɔo avatsopostolo mawo o. Alakpatowo wonye, eye wodze agbagba ble mi be Kristo fe apostolowo yewonye.

¹⁴ Esia mewo nuku nam o, elabena Satana ñuto hã tea ñu trɔa eɔokui xe aɔewo xi abe Mawudɔla ene.

¹⁵ Eya ta menye nu wɔnuku aɔeke wɔnye kura be Satana fe ɔɔlawo trɔ wo ɔokuiwo abe Kristo fe ɔɔlawo ene o, gake le nuwuwu la, woahe to na wo ɔe wofe nuwɔnawo ta.

Paulo fo adegbe le efe fukpekpewo ñuti

¹⁶ Megale kuku ɔem na mi be migabu be ɔe nyemenya ale si mafo nu abe ame mawo ene o, eye nenyè be nyemenya ale si mafo nu abe woawo ene o hã la, miɔe mɔ nam be mafo nu abe abunetɔ ene, eye nye hã mafo adegbe vie abe woawo ene.

¹⁷ Adegbe sia fofo kple kakaɔedzi menye nu si Afeto la di tso asinye be mawo o, gake mele efo ge abe ale si ame tagbɔmanɔsito foa nue ene.

18 Abe ale si ame gedewo foa adegbe be yewonye ame toxewo le xexea me ene la, nenema ke nye hã mele wowo ge fifi laa.

19 Miebe nunyalawoe yewonye, gake miedoa to bometsinyawo dzidzotœ.

20 Mielõ wotsõ mi wõ kluiwoe, wođoa nu siwo menyo o la na mi miewõna, wona miekpõ wo dzi, wowõa wo ðokuiwo glodzoo eye wokaa mo na mi ðe madzõmadzõ dzi gake miekea nu o.

21 Enye ñukpe nam be magblõ be dzidefo kple ñusẽ mele asinye be mafo nu nenema o, ke nu sia nu si ñu woafõ adegbe le la nye hã mate ñu afo adegbe le nenem nu ma ñu, eye enye dada nam be megale nu fom abe bometsila ene.

22 Wofoa adegbe be Hebritowo yewonye, nye hã Hebritõ menye. Wobe Israelviwo yewonye, nye hã Israelvi menye, eye wobe Abraham fe dzidzimeviwoe yewonye, nye hã Abraham fe dzidzimevie menye.

23 (Megale nu fom dadatœ abe ame si fe tagbõ da ene.) Wobe Kristo fe subõlawo yewonyea? Gake mesubõa Kristo wu wo katã, eye mewõ ðõ wu wo elabena le Kristo ta wodem gaxõ me zi gedẽ, wofom kutõkutõ, eye xe ađewo xi gõ hã la, medea tsiẽfe gagbõna.

24 Yudatowo fom zi atõ sõñ eye le fofo ðe sia ðe me la, wofom zi blaetõ-võ-asiekẽ.

25 Romatowo hã fom zi etõ kple gakawo, eye wofu kpem zi ðeka. Menõ tãdziõu me wõgbã zi etõ sõñ; xe ađe xi gõ hã la, mege dze atsiafu me, eye menõ atsiafu gbana la me zã ðeka kple ñeke ðeka.

²⁶ Mezo mo didi tededjamenju gedewo, eye nye agbe do xaxa me le tododo, fiafitowo, Yudatowo kple ame siwo menye Yudatowo ta. Le nyatefe me la, meto dzogbevewo me le afi sia afi si mede la, le du gawo me, gbedzi kple fu dzi siaa. Nenema ke ame siwo be yewonye noviwo le Kristo me, ewo mele eme nenema o ha do nodzi na nye agbe.

²⁷ Le dowowo fuu ta la, dedji tea nunya, eye metsi zandomadoloe zi gedde. Do kple tsiko wuam zi gedde. Dofe ha menoa asinye o, eye le za me la, vuvu woam, elabena avo titri menoa asinye o.

²⁸ Hekpe de nu siawo nuti la, metsina dzodzod-zoe enuenu tso hamewo fe tsitsi de edzi nuti.

²⁹ Ne ame ade le hame ade me si gbodzo la, etena de dzinye, eye nye ha megbodzona enumake eye ne hamevi ade wo nu vo eye wodze anyi la, enana be nuxaxa yoa nye dzi me.

³⁰ Azo ne medi be mafo adegbe la, deko mafoe le nu siwo nana be nusẽ mele nunya o la nu.

³¹ Mawu, ame si nye Afeto Yesu Kristo Fofu, eye wodze kafukafu tso mavo me yi mavo me la ha nya be nyatefe gblom mele.

³² Esi menoa Damasko la, fia Areta do asrafowo dua fe agbowo nu be woalem,

³³ gake novi siwo le afi ma la de ka kusi nu, eye wokom da de kusi la me hetsa to fesre si le glia me la me, eye mesi dzo le egbo.

12

Paulo fe nutega kple nu si le efe nutila me

¹ Adegbe siwo katã fom mele la mehiã o. Movinyawo soṅ ko wonye, gake mele edzi yi ge. Mina mafo nu le Afeto la fe ṅutegawo kple deḍefiawo ṅu.

² Menya ṅutsu aḍe le Kristo me. Anɔ abe fe wuienee nye esia ene la, eḍano ṅutilã me o, nyemenyae o, alo menɔ ṅutilã me o, nyemenyae o; Mawue nya. Woko nenem me sia yi dzifo etõlia.

³ Migabiam be ṅutilã mee wòno alo gbogbo mee wòno hafi yi afi ma hã o, elabena nyemenya o. Mawu deka koe nya, gake menya be wokoe yi Paradiso la me vavã.

⁴ Le afi ma la, wose nya siwo wo nuku ale gbegbe be wogbo amegbetowo fe susu kple gomesese ṅu yi, eye womede mo be woagblo wo na ame aḍeke o.

⁵ Nu si tefe wòkpɔ la nye nu xɔasi aḍe si ṅu mate ṅu afo adegbe le, gake nyemedi be mawo nenema o. Ke boṅ mafo adegbe le ale si megbodzoe, gake Mawu wo do le ṅutinye hena eya ṅuto fe ṅutikokoe la ṅuti.

⁶ Nu gedewo ṅuto li siwo ṅu mafo adegbe le, eye ne mewo esia la, mawom movitoe o; elabena wonye nyatefe. Ke nyemawoe o, be amewo nabum amegãe wu ame si ṅuto menye o, ke boṅ be woakpɔ nu si wòdze be woakpɔ le nye agbenonɔ kple gbefã si dem mele la me.

⁷ Mawu fe gãnyenye kple nukunu siwo tefe mekpɔ la, menye nu boboe o, eye be nyemagado dokui nye de dzi o la tae Mawu na be doléle aḍe ge de nye ṅutilã me si zu ṅu noa fu dem nam. Esia nye Satana fe dola fe nuwona.

⁸ Medo gbe ɔa na Afeto la zi etõ soŋ kple kukudede be wòade dóléle sia ɔa le menye.

⁹ Ke xe sia xi la, Afeto la gblona nam be, “Nye amenuveve so gbɔ na wò, elabena meɔea nye nusen fiana to ame siwo gbodzɔ le nutilã me la dzi.” Eya ta enye dzidzɔ nam be mafo adegbe le nye gbodzɔgbodzɔ nuti boŋ, ale be Kristo fe nusen blibo la katã nadze le menye.

¹⁰ Esi menya be Kristo nuto fe lolõnu wònye be nu sia nadzɔ de dzinye ta la, mekpɔa dzidzɔ be “nu” sia le nye nutilã me. Mekpɔa dzidzɔ hã be amewo dzuam, tia nye agbe yome, eye meɔa xaxa kple hiã geɔe me, elabena mekpɔa nusen to gbodzɔgbodzɔ me, eye zi ale si megbodzɔ la, zi nenema ke mesẽa nɔe.

Paulo tso de le eme na Korinto hamea

¹¹ Miafe nuwɔnae na be mefo nu, do ɔkuinye de dzi abe bometsila ene. Eɔ la, miawoe wòle be miakafum, ke menye nye nuto wòle be makafu ɔkuinye hafi o, eye togbo be nyemele naneke me o hã la, naneke mele miafe apostolo mawo si si mele asinye o.

¹² Esi mele mia gbɔ la, nye dɔwɔwɔ de sia de ɔ kpe edzi be Afeto lae tiam abe apostolo ene, eye wòdɔm be mava gbɔ nyanyui la na mi, eye metsɔ dzigboɔi wo dze siwo, nukunuwo kple nusẽdo geɔewo hã le mia dome.

¹³ Nu ka me gõ mietsi megbe le le hame susɔawo nu? Nu si ko nyemewo le mia gbɔ o, eɔ mewo le hame bubuwo me lae nye be nyemenye agba na mi o. Mitsɔ nu madzɔmadzɔ sia kem!

14 Azo la, zi etõliae nye esia megbona mia gbo, eye le nye vava me hã la, nyematsõ dzinyekpõkpõ fe agba aḍo mia dzi o, elabena nyemele miafe ga ðim o, ke boḅ miawo ḅuto ðim mele. Vinyewo mienye, eye menye viwoe wòle be woadi nuḍuḍu na wo dzilawo o. Dzilawoe wòle be wòakpõ wo viwo dzi.

15 Enye dzidzõ nam be matsõ ḍokuinye kple nu siwo le asinye la na mi be miatsi ḍe edzi le gbõgbõ me, gake zi ale si mele mia lõm ḍe edzi la, zi nenema ke miafe lolõ nam hã dzi le ḍedem kpõto.

16 Ame aḍewo le mia dome le gbõgblõm be, “Enye nyatefe be ne eḍi tsa va kpõ mí la, míegblẽa ga aḍeke ḍe eḅuti o, gake Paulo sia ayetõ wònye le mía blem. Le nyatefe me la, anya to mõ aḍe dzi kokoko wõ ga le mía ḅuti.”

17 Enye nyatefea? Ḍe ame siwo medõ ḍo ḍe mi la fe ḍe va xõ nane le mia sia?

18 Alo ḍe Tito kple nõvi si medõ ḍo ḍe mia gbo la va ba mia? Gbeḍe, elabena menya nyuie be mí katã la, Gbõgbõ Kõkõe ma ḍeka koe le mía me, eye nu ḍeka tõgbi mí katã míewõna.

19 Ḍewohĩ la, miano bubum be ḍe mele esiawo katã gblõm be mauli mía ḍokuiwo ta le mia gbo, ale be miagalõm. Esia mele eme nenema o. Nõvi lolõwo, abe Kristotowo ene la, mele nya sia gblõm na mi le Mawu fe ḅko me, be matu mi ḍo le gbõgbõ me.

20 Nu si võm mele lae nye be ne meva mia gbo la, miafe agbenõõ ava to ḅku nam, eye esia ana be nye nuwõna manõ abe ale si miadi be wòanõ

ene o. Mele vovõm be ne meva la, mava kpo dzrewowõ, ñubavã, domedzoedodo, amenjuzowõ, sakplisasa, dokuidododedzi kple mama le mia dome.

²¹ Mele vovõm hã be nenye be meva la, Mawu abobom de anyi le miafe ñkume, eye mafa konyi le ame gede siwo wo nu võ tsã, eye wometro le wofe dzi me le makomakonnyenye, ahasiwowõ kple hadzedze siwo wowõ la ñuti la ta.

13

Nuxõxlõ mamleawo

¹ Esia anye zi etõlia mava mia gbo. Azõ abe ale si wonlõe de mawunya me ene la, “Woaxõ nya si ame afe tso de novia ñu la to dasefo eve alo etõ fe kpedodzi me.”

² Mexlõ nu mi xoxo esi meva mia gbo zi evelia va yi. Azõ la, megale egblom, esi nyemele mia gbo o. Ke ne metro va la, nyematsõe ake ame siwo wo nu võ do ñgõ alo ame bubu siwo wõe kplõ wo do o,

³ elabena miele nane dim be wõaḍo kpe edzi na mi be Kristoe le nu fom to dzinye. Kristo megbodzo le tohehe na mi me o, ke esẽ ñu le mia dome.

⁴ Be woaka de edzi na mi la, woklãe de ati ñu le gbodzõgbodzõ me, ke hã la, ele agbe to Mawu fe ñusẽ me. Nenema ke míegbodzo le eya amea me, gake to Mawu fe ñusẽ me la, míele agbe be míasubõ mi.

⁵ Mido mia dokuiwo kpo be miele xõse me vavã mahã? Nenema ke midzro mia dokuiwo me.

De miekpɔ dze sii be Kristo Yesu le mia me oa? Negbe ɔe mieto xɔse fe dodokpɔ la me o.

⁶ Mexɔe se be mi katã mialɔ ɔe edzi kplim be mieto dodokpɔ la me.

⁷ Míafe gbedodoɔa na Mawue nye be miagawɔ nu vɔ aɔeke o. Menye be miatso afia be míefia nu nyui mi o. Gbede, nenyee be woɔe vodada na mí hã la, ele be miawo ya miawɔ nu nyui.

⁸ Elabena míate ɔu awɔ naneke ɔe nyatefe la ɔuti o; ke nyatefe la boɔ ye míate ɔu awɔ nane na.

⁹ Enye dzidzo na mí ne míawo míegbodzo, eye miawo miesẽ ɔu la, míekpɔa dzidzo, eye esia ɔuti míele kuku ɔem ɔo le miafe blibodede ɔuti.

¹⁰ Mele nu sia ɔlom na mi kple mɔkpɔkpɔ be ne meva ɔo la, magahiã be mahe nya ɔe mia ɔu alo ahe to na ame aɔeke o, elabena nye didie nye be mawɔ ɔusẽ si Afeto la nam la ɔuti ɔo atsɔ atu mi ɔo le xɔse me. Ke menye be matsɔe aɔiɔi mi ɔe anyi o.

Gbedoname Mamleawo

¹¹ Mlɔeba la, nɔviwo, midze agba be mianɔ agbe nyuie. Miɔo to nya siwo katã megblo na mi. Minɔ anyi le ɔekawɔwɔ kple ɔutifafa me, eye ɔutifafa kple lolɔ fe Mawu la nanɔ anyi kpli mi.

¹² Mido gbe na mia nɔewo le Kristo me.

¹³ Ame kɔkɔe siwo katã le gbonye afi sia la do gbe na mi nyuie.

¹⁴ Afeto Yesu Kristo fe amenuveve kple Mawu fe lolõ kple Gbogbo Kòkòe la fe hamenɔnɔ nanɔ anyi kple mi katã.

Biblica® Se aḍeke mebla Biblia zazã o Agbenya La™

Éwé: Biblica® Se aḍeke mebla Biblia zazã o Agbenya La™ (Bible) of Ghana

copyright © 1988, 2006, 2020 Biblica, Inc.

Language: evegbe

Contributor: Biblica, Inc.

Dowofe si na wò asi ka agbalē sia lae nye Creative Commons Attribution-ShareAlike 4.0 International License (CC BY-SA). Ne èdi be yeakpo laisensi alo mōḍegbalē sia la, yi ḍe <http://creativecommons.org/licenses/by-sa/4.0> alo ḥlo agbalē na Creative Commons Dowofea to adresi sia dzi: Creative Commons, PO Box 1866, Mountain View, CA 94042, USA.

Biblica, Inc. na wode Biblica® kple efe dzesidenu agbalē me, eye woanlo agbalē axo mōḍeḍe tso Biblica, Inc. gbɔ hafi woawo Biblica® fe dzesidenu la ḥu ḍo. Le CC BY-SA fe mōḍeḍe fe sewo nu la, àte ḥu azã agbalē sia me nyawo le ḍo bubuwo wowo me gake ele be nàde dzezi Biblica fe dzesidenu la abe ale si wòle ene. Ne ètro asi le agbalē sia ḥu alo zãe le mō bubu nu la, ele be nàḍe Biblica® fe dzesidenu la ḍa. Ele be nàde dzezi totro siwo nēwo la ḍe agbalē la me eye nàde dzezii be: “Àte ḥu akpo Biblica, Inc. fe ḍo gbãto le www.biblica.com kple open.biblefemaxee.com.”

Ele be nutonyenye fe dzezi nadze le agbalē la fe axa si tanya alo nutonyenye fe dzezi nona la ale:

Biblica® Se aḍeke mebla Biblia zazã o Agbenya La™

Nutonyenye © 1988, 2006, 2020 Biblica, Inc.

Biblica® Open Ewe Contemporary Scriptures™

Copyright © 1988, 2006, 2020 by Biblica, Inc.

Biblica, Inc. na Dowofe si Kpoa Nutonyenye kple Adzododo fe Nyawo dzi le Amerika la de “Biblica” kple efe dzesidenu agbalē me. Woaxo mōḍeḍe na ezazã.

“Biblica” is a trademark registered in the United States Patent and Trademark Office by Biblica, Inc. Used with permission.

Ele be nàna míafe asi naka wò agbalē la le laisensi alo mōḍeḍe fe se (CC BY-SA) sia nu.

Ne èdi be yeana nyanya Biblica, Inc. tso agbalē sia zazã ḥu la, anyo be nàdo ta ḍe mía gbɔ le <https://open.bible/contact-us>.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: “The original work by Biblica, Inc. is available for free at www.biblica.com and open.bible.”

Notice of copyright must appear on the title or copyright page of the work as follows:

Biblica® Se aḍeke mebla Biblia zazā o Agbenya La™

Nutɔnyenye © 1988, 2006, 2020 Biblica, Inc.

Biblica® Open Ewe Contemporary Scriptures™

Copyright © 1988, 2006, 2020 by Biblica, Inc.

Biblica, Inc. na Dowɔfe si Kpɔa Nutɔnyenye kple Adzɔdodo fe Nyawo dzi le Amerika la de “Biblica” kple efe dzesidenu agbalē me. Woaxɔ mɔḍeḍe na ezazā.

“Biblica” is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

PDF generated using Haiola and XeLaTeX on 1 May 2025 from source files dated 1 May 2025

357b3e5f-5b9b-5166-bad7-01aa010d5029